

FORUM

Patric Ragetti a «da cuminonza a Ruschein»

Silmeins ina gada ad onn dat ei ina sera per tudestg a «da cuminonza», numnadamein lura sch'ina persuna envidada sco hosp discuora buca romontsch, mo ha tuttina ina relaziun cun Ruschein. Mesjamna, ils 3 da matg 2023 ei quei il cass. Hosp ei il guardiaselvaschina *Patric Ragetti*.

Ins savess descriver siu mintgagi profesional cun las suandontas activitads: observar, documentar, controllar, preservar – ed adina puspei surstar. El hagi in job da siemi, gi Patric Ragetti ch'ei carschius si a Flem e che stat dapi nov onns cun sia giuvna famiglia a Ruschein. Cura ch'el raquenta tgei ch'el vesa tut ora en la natira duront sia lavur, lura glischan ses eglis. Clar, ei dat era lavurs meins attractivas e legreivlas: admonir ni schizun castigar pervia da surpassaments – ni adina puspei vegnir confruntaus cun il tema dil luf ...

Co va quei exact cura ch'ei vegn dumbrau la primavera tsharvas ni lieurs? Pertgei drov'ei insumma zonas da paus per la selvaschina? Tgei observaziuns concretas fa in guardiaselvaschina puncto «intelligenza» dad animals? Da quei e dad auter vegn Patric Ragetti a raquintar a «da cuminonza». Beinvegnidas ein sco adina era personas d'ordeifer. Suenter l'occurrenza vegn offeriu in sitg – aua ni vin. E l'entrada ei gratuita.

Patric Ragetti vegn a raquintar mesjamna, ils 3 da matg 2023 allas 20.15, Casa da scola Crestas, Ruschein. Dapli sin www.dacuminonza.ch



Maria Cadruvi

Patric Ragetti ed in giuven tshéss ch'ei «equipaus» cun in emettur.

FOTO MAD